

# 烏夜啼

浙音釋字琴譜：（明弘治四年前即 1491 年前）

## 第一段 月明星稀

碧天夜如洗，月照黃雲城上，寒烏棲，啞啞枝上啼，牛女兮河漢  
明星稀。聽那機織秦川女，寂靜紗窗裏，無人語。停梭兮，悵然兮，  
獨獨宿孤房，遠把行人憶。烏雀兮南飛，別離人，何時歸，籠葱牕戶  
烟雲迷。憶歸期，數歸期，人生百歲少會應多離。悠悠芳草天涯，  
空凝望，對斜暉，對斜暉。危樓休上高梯，望中烟雨淒淒。聽烏啼，  
如醉如迷。憶遠人，夢醒難成睡。別離滋味，別離滋味，有誰知會。

## 第二段 烏雀南飛

烏雀兮，烏雀兮，南飛，南飛。

## 第三段 寒聲啞啞

哀音啞啞，寒樹那風淒淒。晝夜不飛去，的那經年守故枝，故  
枝。兒飽母飢，夜夜夜啼，報母時，返哺那應無期。百鳥皆同類，那  
烏慈兮聲何悲，何悲，何悲。

## 第四段 孤影煢煢

暮雲平，月光明，影停停，哺雛思返也翼翼飛身。飛身輕，河漢  
稀星，半夜三更身煢煢。低垂翅羽，回翔仁里，看飛上那黃雲城。

## 第五段 仁慈返哺

慈烏朝返哺，誰惜兒多母苦。母飢兒飽心回護，母滿哺兒，兒  
方哺母。

## 第六段 天恩銜赦

夜烏啼，聲清淒。剖決憂疑，有兆明朝頒詔來紫泥，紫泥。風  
雲變色，施那恩澤洗黔黎，洗黔黎。滌瑕蕩垢，日月光輝，有罪當解  
網而來歸。時世當知，靈烏名無虛。啓戶相窺，見他遶樹三匝，無  
枝可依，飛依翅束，啼澁喉飢，哺吐思兒。盛世明時，天書下玉墀，  
玉墀。

## 第七段 午夜爭巢

奪食爭巢，聲嘍嘍，聲嘍嘍。鄉鄰鬪鬧，風撼林梢。僧響鈴鐺，  
鐘鼓同敲，那鐘鼓同敲，同敲。

## 第八段 吐食哺兒

同第五段

## 第九段 託物喻人

嗟彼慈烏，烏中白眉，草中靈芝，啣赦兮如龜蓍的那而先知。  
寸草兮，好將仁慈恩報三春的那輝，孝盡無違，萬年枝上名垂。